

Zeitschrift: Igl Ischi : organ della Romania (Societat de Students Romontschs)
Herausgeber: Romania (Societat de Students Romontschs)
Band: 72 (1987)
Heft: 28

Artikel: Dus plaids per Tei sin viadi : poesias
Autor: Vincenz, Paula
DOI: <https://doi.org/10.5169/seals-881837>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 21.05.2025

ETH-Bibliothek Zürich, E-Periodica, <https://www.e-periodica.ch>

Dus plaids per Tei sin viadi

Poesias da Paula Vincenz

Speronza

Igl utschi sai udir
sai guder il suleagl
Aunc hai jeu
in techet speronza
aunc brischa
in fiug en miu cor
aunc ei buc
la veta stezza
aunc conta igl utschi
Ed il suleagl
mei cozzenta
Aunc – ?
Con ditg aunc ? –

Jeu sesel

e mirel

co mia

veta

varga

e va

a mi

sperasvi –

Dalunsch

hai viu e

cattau ad agur

in silenzi

che ha

priu

mei cun el

e consolau! –

Uiara da plaid

Ei vegn bumbardau
cun plaid
e cun tschontschas
Jeu sun daventaus
temeletgs e schi pigns
mei negin ha udiu
e tedlau aunc bia meins
In meini? –
Miu meini? –
Ha buc anflau eco!

L'odur

O l'odur dall'aurora
ha detg oz a mi:
emprova da carezar
cun carezia ch'ei vera
emprova d'engraziar
avon che consumar
Lu vegns Ti a daventar carstgaun
e buc in surmaun
Maina lais Ti lu reger
daner ed uiara
mai das Ti lu spazi
a scuidonz'e discordia
mai resta Tiu cor lu peters
mai ei Ti'egliada lu stgira e nauscha
Ti eis gie carstgaun
cun sentiments che ein vers
e cun plaid ch'ei sincers
l'odur dall'aurora ha detg
quei a mi! –

Ina tschitta
ei sgulada
sur miu tgau
ha fatg adia
ha priu tut
er il patratg
ch'jeu hai
per Tei – –

Jeu vivel
e sai
il decuors
dalla veta
vegn
buc ad ir
sco il carstgaun
vul direger! –

Il betsch
ch'in usa
In betsch
curdaus
per nazetg
in betsch
emblidau
ha laschau
anavos
fastitgs
pesonts ... in santeri
E quei betsch
ha fatg
stenscher
in
plaid sincer –

Ti denton
Ti eis leusi,
vivas ina veta nova
La veta senza mort! –

Duas steilas?
Dus egls
admiran
contemplan
Il bi
mei tschochenta
e raffa
e pren
Il bien
Il mei
memezza naven! –

Via

Via
senda
isada
gleiti
eis surtratga
cuvretga
da
caglias
e crappa.
Negin che vul ir
quella
via
carpusa
nun – cumadeivla –

Il rir

Tia bucca ri
ella selegra
mirond el mund
Tetez eis buc Ti
en Tei – schi auter –
laguotas e speras
Tia bucca ri
e tetez eis buc Ti! –

Per Numnasontga

Jeu mirel ord finiastra
sai observar brentina
che cuviera
che enzuglia
igl ambient ed era mei.
Sin ils praus
ch'ei uss brin-verds
ein ils quacs tut a mantun.
Ed in suffel
criu e freid
conta la canzun:
«Mort – cumiau –
cumiau e mort»
En miu cor jeu sai udir
in sinzur che fa dolor. –
E miu egl va vin santeri
encurend la crusch sper fossa.
Sut il tratsch leu ei satraus
in carstgaun schi carezau
Jeu sun cheu sin tiar'e vivel
il cumbat che drova forza
Ti denton
Ti eis leusi,
vivas ina veta nova
La veta senza mort! –

Rosa

La rosa flurescha
derasa odor
La plievgia che croda
e porta naven
in larmin – –
che la rosa
ha schau curdar
– Negin cumpren –!

Mia veta

Jeu pren
mia veta
sco in calisch en miu maun
e beibel sitg per sitg
e gaudel tut bufatg

Jeu pren
mia veta
sco ina balla en miu maun
e rocler sur carpetgels
e greva crappa vi

Jeu pren
mia veta
sco ina brausla glisch
ch'jeu mettel sin candelas
e tgirel notg e di

Jeu pren
mia veta
sco in zaclin verdin
che vegn madirs e crescha
e va lu da rendiu

Jeu pren
mia veta
cun carezia cumpleina
vi porscher il maun
a tal che basegna

Jeu pren
mia veta
sco regal da miu Diu
ed anflel tras quei
la via tier mei.